

C-Klassn Fußball

Om Sunntoch noch die Klöß und Brotn
donn alla naußn Schportplotz wotn.
Die Monnsbilder die Madla die Bum
zägor die Omas schtehn drum rum,
die Weibär mit die Kinnewäng
alla wolln des Därby säng.
Dä Schiedsrichtä pfeifft o des Schpiel
und gleich beginnt donn des Gewühl.
Die Zuschauer schreia nei
heb dei Baa und pack na fei.
Wennst nett gleich dei Goschn h^uellst
polier i dä dei dickes Fell.
Schau no der neu Linksausn
tut allans devo sausn
die Plotzherrn schrein scho Tor
der ander Schtürmer is obseits is doch klor.
Der Unpateiische is weit hintn
tut denn Oschluß nimmer findn
und pfeift dem Boll als Treffä
hät ers nett geto wärs besser.
Du Pfeiffkopf, du Blöder pack zam
sollst ans Telefon geh fei ham.
Es is nix zä ändern, des Schpiel is aus
die Punte sän fort und die Masterschaft auch.
Es bleibt da na nur der ~~a~~ Trost
a poor Moß Bier und donn Prost
aufn nächstn Sunntoch tut mä warthn
denn do gibts die nächsta Schlappn.